



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ

ՎԵՐԼՈՒԾԱԿԱՆ ՏԵՂԵԿԱՆՔ

«Հրազդանի էներգետիկ կազմակերպություն (ՀրազՋԷԿ)» ԲԲԸ-ի կողմից 2018 թվականի 1-ին եռամսյակում ՀԶ-ԳՀ-ԱՊՁԲ/6-ԻՅ-01/09.01.18-ԱՄ ծածկագրով իրականացված «Ի-50 ինդուստրիալ յուղ, 630լ» գործարքի մոնիթորինգի արդյունքների վերաբերյալ

ԵՐԵՎԱՆ 2018

Մոնիթորինգի իրականացման հիմքը՝ ՀՀ հանրային ծառայությունները կարգավորող հանձնաժողովի 2014 թվականի հունիսի 25-ի №207Ա որոշման №1 հավելվածով հաստատված՝ հանրային կազմակերպությունների գնումների կարգերի նկատմամբ սահմանված լրացուցիչ պահանջների կատարման մոնիթորինգի կարգ:

Մոնիթորինգի օբյեկտը՝ «Հրազդանի էներգետիկ կազմակերպություն (ՀրազՋԷԿ)» ԲԲԸ:

Մոնիթորինգի առարկան՝ «Հրազդանի էներգետիկ կազմակերպություն (ՀրազՋԷԿ)» ԲԲԸ-ի կողմից 2018 թվականի 1-ին եռամսյակի ընթացքում իրականացված գնումների առանձին գործարքները:

Մոնիթորինգի նպատակը՝ Ընկերության կողմից կատարված գնումների առանձին գործարքների արդյունավետության ուսումնասիրություն և համապատասխանության գնահատում Հանձնաժողովի 2017 թվականի սեպտեմբերի 13-ի №391Ա որոշմամբ (այսուհետ՝ Որոշում 2) սահմանված լրացուցիչ պահանջներին:

Մոնիթորինգի իրականացման ժամկետը՝ 2018 թվականի մայիսի 15-ից մինչև 2018 թվականի հեկտեմբերի 17-ը:

Մոնիթորինգի մեթոդաբանությունը՝ «Հրազդանի էներգետիկ կազմակերպություն (ՀրազՋԷԿ)» ԲԲԸ-ի գնումների առանձին գործարքների մոնիթորինգն իրականացվել է ընկերության կողմից մինչև գնման հայտարարությունն իրականացված շուկայի ուսումնասիրության, գործարքի համար կիրառվող գնման մեթոդի ընտրության, մրցութային փաստաթղթերի և մատակարարի ընտրության ընթացակարգի մոնիթորինգի միջոցով:

«Ի-50 ինդուստրիալ յուղ, 630լ» մրցույթ

«Հրազդանի էներգետիկ կազմակերպություն (ՀրազՋԷԿ)» ԲԲԸ-ն՝ համաձայն 09.01.2018 թվականի ՀՋ-ԳՀ-ԱՊՁԲ/6-ԻՅ-01/09.01.18-ԱՄ ծածկագրով գնանշման հարցման հանձնաժողովի №01/09.01.18 արձանագրությամբ հաստատված հրավերի, 2018 թվականի հունվարի 12-ին իր կարիքների համար գնանշման հարցումով հայտարարել է «Ի-50 ինդուստրիալ յուղ, 630լ» մրցույթ՝ մրցութային հայտերի ներկայացման ժամկետ սահմանելով մինչև 2018 թվականի հունվարի 22-ը: Մատակարարման ժամկետ է սահմանվել պայմանագիրը կնքելուց հետո 10 օրացուցային օր, պայմանագրի գինը՝ 630,0 հազար ՀՀ դրամ՝ ներառյալ ԱԱՀ:

Հայտարարությունը ընկերության կայքում և ֆինանսների նախարարության էլեկտրոնային տեղեկագրում հրապարակվել է 2018 թվականի հունվարի 12-ին:

Նախքան մրցույթի հայտարարումը, ընկերությունը չի կատարել շուկայի ուսումնասիրություն, ինչը չի բխում հանձնաժողովի 2017 թվականի սեպտեմբերի 13-ի №391Ա որոշման պահանջներից:

Մրցույթի հայտարարումից հետո հայտ է ներկայացրել 4 մասնակից՝ «Մոսէսքո», «Ավտոֆան Էյ Սի», «Ժակ և Գոռ» և «Արման ՕԻԼ Մեկ» ՍՊԸ-ները:

Ընկերության անվանումը	Առաջարկած գին հազար դրամ ներառյալ ԱԱՀ
1	2
«Մոսէսքո» ՍՊԸ	645,7
«Ավտոֆան Էյ Սի» ՍՊԸ	630,0
«Ժակ և Գոռ» ՍՊԸ	787,5
«Արման ՕԻԼ Մեկ» ՍՊԸ	724,5

«Ավտոֆան Էյ Սի» ՍՊԸ-ն, որպես ամենացածր գին առաջարկած մասնակից, 22.01.2018 թվականի №02/22.01.18 արձանագրությամբ հաղթող է ճանաչվել, որի

հետ 2018 թվականի փետրվարի 2-ին կնքվել է պայմանագիր՝ 630,0 հազար դրամ ներառյալ ԱԱՀ-ն:

ՀՋ-ԳՀ-ԱՊՁԲ/6-ԻՅ-01/09.01.18-ԱՄ ծածկագրով իրականացված «Ի-50 ինդուստրիալ յուղ, 630լ» գնանշման հարցման փաստաթղթերի ուսումնասիրության արդյունքում կարելի է փաստել, որ.

1. «Հրազդանի էներգետիկ կազմակերպություն (ՀրազՁԷԿ)» ԲԲԸ-ն գնման ընթացակարգի փաստաթղթերը և շարժիչի յուղի տեխնիկական բնութագրերը կազմել է պատշաճ մակարդակով:
2. Նախքան մրցույթ հայտարարելն Ընկերությունը չի իրականացրել շուկայի ուսումնասիրություն:
3. Պայմանագրով սահմանվել է վճարման ողջամիտ ժամկետ:

Նշված թերության վերաբերյալ հանձնաժողովն իր դիտողությունները ներկայացրել էր նաև նախորդ տարիների առանձին գործարքների մոնիթորինգի արդյունքների վերաբերյալ վերլուծական տեղեկանքներում: Հարկ է նշել, որ դրա վերացման ուղղությամբ ընկերությունը որևէ միջոցառումներ չի ձեռնարկել:

Այս համատեքստում հարկ է նշել, որ գնումների գործընթացների թերի կազմակերպման արդյունքում շուկայականից բարձր գներով ձեռք բերված ապրանքների, աշխատանքների և ծառայությունների արժեքները (շուկայական գները գերազանցող չափով) հաշվի չեն առնվի ընկերության սակագներում:



ԱՊՐԱՆՔՆԵՐԻ ԵՎ/ԿԱՄ ԾԱՌԱՅՈՒԹՅՈՒՆՆԵՐԻ ԳՆՄԱՆ ԳՈՐԾԸՆԹԱՑԻ ՍՏՈՒԳԱԹԵՐԹ

Ընկերության անվանումը «Հրազդանի էներգետիկ կազմակերպություն
(ՀրազԶԷԿ)» ԲԲԸ

Գնման անվանումը Ի-50 ինդուստրիալ լույս, 630լ

Գնման ծածկագիրը ՀԶ-ԳՀ-ԱՊՁԲ/6-ԻՅ-01/09.01.18-ԱՄ

Գնման ձևը Գնանշման հարցում

ԲՈՒՆՈՐ ՓՈՒԼԵՐԸ

Ստուգաթերթի պայման	Ա	Ո	Չ/Ո	Մեկնաբանություններ
1 Համարժեք և համապատասխան գրառումները պահպանվում են գնումների գործընթացի ողջ ընթացքում և բավարար տեղեկատվություն են տրամադրում, ինչը թույլ է տալիս աուդիտ կամ անկախ ստուգում իրականացնել	☒	☐	☐	

ԳՆՄԱՆ ՊԼԱՆԱՎՈՐՈՒՄ

Ստուգաթերթի պայման	Ա	Ո	Չ/Ո	Մեկնաբանություններ
2 Գնման հայտը հաստատել է կազմակերպության գործադիր մարմնի ղեկավարը կամ վերջինիս կողմից լիազորված անձը	☒	☐	☐	

Ստուգաթերթի պայման		Ա	Ո	Զ/Ո	Մեկնաբանություններ		
3	Գործարքի համար կիրառվող գնման մեթոդի ընտրությունը ճիշտ է կատարվել	☒	☐	☐			
4	Մինչև գնումների հրավերների հրապարակելը իրականացվել է համապատասխան շուկայի ուսումնասիրություն (փաստաթղթերը կցված են)	☐	☒	☐	Ընկերությունը ուսումնասիրության ներկայացրել:	շուկայի տվյալներ	չի
5	Գնման գործընթացի արդյունավետ իրականացման, ոչ մրցութային եղանակով գնումների ծավալի նվազեցման նպատակով՝ ընկերությունը իր վեբ կայքում և գնումների էլեկտրոնային տեղեկագրում հրապարակելուց բացի դիմե՞լ է արդյոք այլ միջոցների մասնակիցների շրջանակը ընդլայնելու և նրանց միջև մրցակցության խրախուսման համար	☐	☒	☐			
6	Մասնակից մատակարարների հայտերի ընդունման գործընթացում ապահովվել է արդարությունն ու անկողմնակալությունը	☒	☐	☐			

ԳՆՈՒՄՆԵՐԻ ՆԱԽԱՊԱՏՐԱՍՏՈՒՄ

	Ստուգաթերթի պայման	Ա	Ո	Զ/Ո	Մեկնաբանություններ
7	Ապահովվել են հավասար մրցակցային պայմաններ հնարավոր մասնակիցների համար	☒	☐	☐	
8	Գնման առարկայի բնութագիրը հանգեցնում է գնումների գործընթացում մրցակցության համար չհիմնավորված խոչընդոտների առաջացմանը	☐	☒	☐	
9	Գնումը օբյեկտիվորեն հիմնավորված է և համարժեք է այն կարիքին, որի բավարարման նպատակով կատարվում է	☒	☐	☐	

10	Մանրամասն ներկայացված են գնման ընթացակարգի փաստաթղթերը	☒	☐	☐
11	Պատշաճ ձևով ներկայացված են ապրանքների տեխնիկական բնութագրերը, իսկ աշխատանքների կամ ծառայությունների դեպքում՝ ամբողջական նկարագրությունը	☒	☐	☐
12	Ամբողջությամբ և հստակ նկարագրված են ապրանքի, աշխատանքի կամ ծառայության ձեռքբերման և վճարման պայմանները՝ բացառելով տարմենկաբանությունը	☒	☐	☐
13	Գնման առարկայի հատկանիշները պահանջ կամ հղում են պարունակում որևէ առևտրային նշանի, ֆիրմային անվանման, արտոնագրի, էսքիզի կամ մոդելի, ծագման երկրի, կոնկրետ աղբյուրի կամ արտադրողի	☐	☒	☐

ՊԱՅՄԱՆԱԳՐԻ ԿՆՔՈՒՄ

	Ստուգաթերթի պայման	Ա	Ո	Զ/Ո	Մեկնաբանություններ
14	Հայտերի գնահատման ընթացակարգը ընթացել է արդար և անկողմնակալ	☒	☐	☐	
15	Պայմանագիր կնքելու մասին որոշումը պարունակում է ամփոփ տեղեկատվություն հայտերի գնահատման և ընտրված մասնակցի ընտրությունը հիմնավորող պատճառների մասին	☒	☐	☐	
16	Հայտերի գնահատման ժամանակ ապահովվել է հատուցում արժեքի դիմաց սկզբունքը	☐	☒	☐	Ընկերությունը շուկայի ուսումնասիրություն չի իրականացրել, ինչը խոչընդոտել է արժեքի դիմաց հատուցման ապահովման գնահատմանը:

	Ստուգաթերթի պայման	Ա	Ո	Չ/Ո	Մեկնաբանություններ
17	Պայմանագրի գնի հաշվարկը ներառում է տվյալ գնման պայմանագրի կատարումն ապահովելու նպատակով կատարվելիք բոլոր վճարները (ծախսերը)	☒	☐	☐	

ՊԱՅՄԱՆԱԳՐԻ ԿԱՏԱՐՈՒՄ

	Ստուգաթերթի պայման	Ա	Ո	Չ/Ո	Մեկնաբանություններ
18	Սահմանվել է վճարման ողջամիտ ժամկետ	☒	☐	☐	
19	Գնման պայմանագիրը կատարվել է պատշաճ մակարդակով	☒	☐	☐	
20	Գնման առարկայի արժեքը համապատասխան է շուկայական արժեքին	☐	☐	☒	Նախքան մրցույթ հայտարարելն ընկերությունը չի իրականացրել շուկայի ուսումնասիրություն: